

Newyddion RISP

e-Gylchlythyr Swydddogol Rhaglen Gaffael y System Gwybodeg Radioleg

CROESO

Yn ystod y tri mis ers i ni gyhoeddi ein e-gylchlythyr cyntaf, ym mis Ebrill, mae wedi bod yn adeg brysur, adeiladol a chreadigol ar gyfer tîm Rheoli'r Rhaglen.

Mae'r Rhaglen wedi cyflawni cerrig milltir allweddol yr ydym yn falch o'u rhannu yn ein hail rifyn o **e-Gylchlythyr Chwarterol Rhaglen Gaffael y System Gwybodeg Radioleg** ac rydym yn gobeithio eich bod yr un mor falch, ysbrydoledig a brwdfrydig â ni!



'Mae angen yr offer iawn arnom i wneud y dasg iawn ac mae angen i'r system newydd hon fod yn rhyngwyneb di-dor o safbwynt defnyddwyr.'

Dr. Sian Phillips
Arweinydd Clinigol RISP
Radiolegydd Ymgynghorol BIPCTM

I gael rhagor o wybodaeth am y Rhaglen a'r Prosiectau, ewch i'n tudalen we.

Ymweld â'r dudalen we

Sgôr Ambr !

Adolygiad Porth

Gweithdai Gofynion

Ym mis Mehefin 2021, cwblhaodd y rhaglen RISP Adolygiad Porth Sicrwydd 2 Llywodraeth Cymru. Archwiliodd tîm adolygu annibynnol nifer o ddogfennau'r rhaglen, a gwnaethant gynnal cyfweiliadau anffurfiol gyda phedwar rhanddeiliad ar ddeg, sydd wedi gweithio'n agos gyda'r rhaglen.

Ers mis Chwefror 2021, mae pum gweithdy gofynion wedi'u cynnal gydag ymgysylltu cadarnhaol gan y gwasanaeth, gan gynnwys rheolwyr PACS/RIS, arweinwyr radioleg glinigol ac arweinwyr gweinyddol, ysgrifenyddol ac obstetrig. Nod y gweithdai oedd:

'Mae cydnabyddiaeth glir bod RISP yn brosiect TG mawr yn ogystal ag yn allu sydd wedi'i arwain yn glinigol ac sydd wedi'i alluogi gan dechnoleg. Mae'n braf gweld hyn'

Tim yr Adolygiad Porth

'Ethos un tîm cryf ar draws y sefydliadau sy'n cymryd rhan a'r ymgysylltu rhagorol â rhanddeiliaid hyd yn hyn'

Tim yr Adolygiad Porth

- Nodi ac adolygu nifer o adrannau allweddol gan gynnwys adrodd, trawsgrifio a chyfathrebu canlyniadau
- Casglu gofynion technegol, clinigol a gweinyddol y system newydd fel rhan allweddol o'r Fanyleb Wedi'i Seilio Ar Allbynnau (OBS)
- Pennu beth sydd ei angen ar yr holl grwpiau defnyddwyr o'r system newydd i gefnogi eu llif gwaith o ddydd i ddydd

Rydym yn falch o rannu bod y rhaglen wedi cyflawni gradd Oren ar yr adolygiad hwn.

Roedd yr adroddiad Porth yn cynnwys adborth cadarnhaol ar agweddau ar y rhaglen sy'n allweddol i'w llwyddiant.

Achos Busnes Amlinellol

Y nod yw cwblhau Achos Busnes Amlinellol (OBC) RISP erbyn diwedd mis Gorffennaf 2021 i'w gymeradwyo gan Fwrdd Rhaglen RISP. Ar ôl hyn, bydd angen i'r byrddau iechyd a'r ymddiriedolaethau, Iechyd a Gofal Digidol Cymru a Llywodraeth Cymru gymeradwyo'r OBC.

Yn olaf, bydd y Gweinidog Iechyd a Gwasanaethau Cymdeithasol wedyn yn rhoi caniatâd i symud ymlaen i'r broses gaffael yn hydref 2021.

Gwybodaeth Busnes

Ym mis Ebrill, rhoesom wybod i chi mai Bwrdd Iechyd Prifysgol Bae Abertawe oedd y bwrdd iechyd cyntaf i ddechrau'r **ymarfer mapio proses** i ddatblygu'r gofynion ar gyfer y system newydd ymhellach yn yr adrannau radioleg ledled Cymru. Hyd yn hyn, mae'r ymarferion mapio proses wedi'u cwblhau ym Mwrdd Iechyd Prifysgol Bae Abertawe, Bwrdd Iechyd Prifysgol Aneurin Bevan a Bwrdd Iechyd Prifysgol Caerdydd a'r Fro.

Bydd y rhain yn cael eu hadolygu i sicrhau ein bod yn nodi'r gofynion allweddol ac unrhyw gyfleoedd i symleiddio prosesau ac yn amlygu unrhyw feysydd y mae angen ffocws pellach arnynt.

Asesiad o'r Effaith ar Gydraddoldeb

Mae **Asesiad o'r Effaith ar Gydraddoldeb** ar gyfer y rhaglen wedi'i gwblhau mewn cydweithrediad â Swyddfa Rheoli'r Rhaglen, ein Gweithgor, ac mae wedi'i lywio gan ymgysylltu helaeth â rhanddeiliaid sydd wedi'i gwblhau gan y rhaglen. Yna, aeth yr asesiad gerbron Bwrdd y Rhaglen ac fe'i cymeradwywyd ym mis Mehefin gyda dau argymhelliad i'r rhaglen eu dwyn ymlaen.

Sioeau Teithiol

Cynhaliwyd pedair sioe deithiol gyda chyfranogiad **118 mynychwr** o amrywiaeth o adrannau a rolau, gan gynnwys:


- Radioleg – Clinigol
- Radioleg – Gweinyddol
- Ffiseg Feddygol

Daeth y prif themâu canlynol i'r amlwg:

- Safoni/Symleiddio Ystwyth
- Rhannu Trawsffiniol
- Integreiddio gyda'r Adnodd Data Cenedlaethol
- Data Gwaddol
- Cyfranogiad Cleifion

- Cyllid
- TG a Gwybodeg
- Gofal Sylfaenol
- Llywodraethu Gwybodaeth
- Rheoli Gwasanaethau
- Seilwaith Rhwydweithiau
- Mynediad Meddygon Teulu at Ddelweddau
- Uwchsain Pwynt Gofal

Yn dilyn pob sioe deithiol, rhannwyd arolwg adborth dienw â mynychwyr.



Mae Tîm y Rhaglen RISP yn deall bod ymgysylltu parhaus â rhanddeiliaid yn bwysig ac y byddai cyfres arall o ddigwyddiadau sioeau teithiol yn cael eu cynnal o gwmpas yr adeg y bydd y rhaglen yn newid o Gyfran (Cam) 1 Cyn caffael i Gyfran (Cam) 2 Caffael.

Unwaith eto, rydym yn ddiolchgar i'r staff hynny ar draws y gwasanaeth sydd wedi rhoi o'u hamser i gefnogi'r rhaglen, yn enwedig o ystyried y galw yn sgil COVID-19.

Gwylwch nawr!

DIWEDDARADAU LLIF GWAITH

Mae Tîm ein Prosiect Technegol yn nesáu at gwblhau'r drafft cyntaf o ddogfen y fanyleb glinigol a thechnegol fanwl.

Galwad i Weithredu!

Gofynnir i gydweithwyr a gyfrannodd at ddatblygiad y fanyleb mewn gweithdai a grwpiau cynharach adolygu hyn yn y dyfodol agos i sicrhau bod y manylion yn adlewyrchu eu gofynion yn gywir fe ei bod yn barod i'w chyhoeddi ar ddechrau'r broses gaffael ffurfiol.

Byddwn hefyd yn dymuno i rai o'r unigolion hyn ymuno â'r timau caffael, a fydd yn rhan o'r broses gwerthuso a deialog hyd at ddiwedd y broses gaffael.

Byddwn yn rhannu rhagor o fanylion am y rôl a'r ymrwymiad a fydd ei angen yn ystod yr wythnosau nesaf.

CYSYLLTU A NI



E-bostiwch ni ar Radiology.Informatics@wales.nhs.uk er mwyn:

- Gofyn am ragor o wybodaeth am y Rhaglen
- Cofrestru ar gyfer ein e-Gylchlythyr
- Cofrestru ar gyfer ein digwyddiadau rhithiol
- Rhoi adborth i ni ar yr hyn yr hoffech ei weld yn y cylchlythyr

Rydym yn croesawu derbyn gohebiaeth yn Gymraeg ac ni fydd ein hymateb yn Gymraeg yn arwain at oedi.